



ANUNCIO

APROBACIÓN DAS BASES REGULADORAS PARA A CONCESIÓN DE AXUDAS PARA ADQUISICIÓN DE EQUIPOS INFORMÁTICOS VINCULADOS AO ENSINO REGRADO ONLINE PARA OS CURSOS 2019-2020 OU 2020-2021. PROGRAMA REACTIVA PEREIRO

De conformidade co previsto nos artigos 17.3. b e 20.8.a da Lei 38/2003, do 17 de novembro, xeral de subvencións, publícase o extracto da convocatoria cuxo texto completo pode consultarse na Base de Datos Nacional de Subvencións (<https://www.infosubvenciones.es/bdnstrans/GE/es/convocatoria/524174>).

A Xunta de Goberno Local deste Concello do Pereiro de Aguiar acordou, na sesión extraordinaria que tivo lugar o día 27 de novembro de 2020, aprobar as bases reguladoras da convocatoria de axudas destinadas a facilitar a compra de equipos informáticos vinculados ao ensino regrado online para os cursos 2019-2020 ou 2020-2021- Programa Reactiva Pereiro, co seguinte contido:

"BASES REGULADORAS PARA A CONCESIÓN DE AXUDAS PARA ADQUISICIÓN DE EQUIPOS INFORMÁTICOS VINCULADOS AO ENSINO REGRADO ONLINE PARA OS CURSOS 2019-2020 OU 2020-2021. PROGRAMA REACTIVA PEREIRO.

ANTECEDENTES

O brote de coronavirus COVID-19 xerou circunstancias extraordinarias e graves que provocan unha crise sanitaria de enorme magnitude, que afectou e segue afectando aos cidadáns e familias con consecuencias sanitarias, sociais e económicas excepcionais, que requiren a adopción de medidas extraordinarias co fin de axudar a mitígalas.

O papel dos concellos na crise económica e de emprego que estamos a vivir é fundamental, xa que tanto as administracións do Estado e da autonomía proporcionan recursos de carácter máis xeral, polo que son os concellos quen pode ensamblar e adaptar á súa realidade local particular, exercendo as súas competencias en materia de desenvolvemento económico local e de emprego mediante o deseño dunha estratexia de promoción económica capaz de identificar e valorizar os recursos e proceder á adaptación dos diferentes programas ás necesidades locais.

O papel que cumpren as entidades locais de apoio ao desenvolvemento local e ao emprego, lonxe de invadir competencias ou producir duplicidade algunha, fan posible tamén a efectividade da dimensión local do mesmo, como complementaria á exercida por outras administracións, e que apunta tanto a Lei nacional de emprego (art. 4, R.D.L. 3/2015), como a Comisión Europea, que no seu documento de Actuación local a favor do emprego para unha estratexia europea do emprego; define o ámbito local como aquel nivel que permite detectar as necesidades locais non satisfeitas, polo que, lonxe de ser un ámbito no que unicamente se poñan en práctica decisións adoptadas noutros ámbitos, pode combinar diferentes instrumentos e desenvolver formas de dar valor engadido ás decisións tomadas en niveis superiores, acadando un máis axeitado nivel de precisión en cada territorio.

Artigo 1- Obxecto

Concello do Pereiro de Aguiar

Plza. do Concello, 1, O Pereiro de Aguiar. 32710 (Ourense). Tfno. 988 259 385. Fax: 988 259395





CONCELLO O PEREIRO DE AGUIAR

É obxecto destas bases a regulación da concesión de axudas destinadas a facilitar a compra de equipos informáticos vinculados ao ensino regrado online para os cursos 2019-2020 ou 2020-2021 Programa Reactiva Pereiro, destinadas a unidades de convivencia con menor poder adquisitivo do Concello do Pereiro de Aguiar, que teñan fillos/as con idades comprendidas entre 3 e 25 anos ao seu cargo matriculados/as en centros públicos ou privados en tramos concertados ou en centro universitarios ou de Formación profesional, coa finalidade de diminuír a fenda dixital e favorecer a ensinanza telemática, cada vez máis habitual no proceso de aprendizaxe desta nova normalidade.

Artigo 2- Natureza xurídica

Estas axudas fanse ao abeiro da Lei 38/2003, do 17 de novembro, xeral de subvencións, e normativa que a desenvolve, e a Lei 9/2007, de subvencións de Galicia.

Artigo 3- Compatibilidade

As axudas serán incompatibles con calquera outra axuda que puidera percibirse coa mesma finalidade doutras institucións públicas ou privadas.

Artigo 4- Destinatarios

As familias con menor poder adquisitivo do Concello do Pereiro de Aguiar que cumpran os seguintes requisitos:

- a) Unidades familiares con fillos/as con idades comprendidas entre 3 e 25 anos ao seu cargo matriculados/as en centros públicos ou privados en tramos concertados ou en centros universitarios ou de Formación Profesional, que adquiriran algún tipo de equipo informático entre as datas de setembro de 2019 e o 13 de decembro de 2020.
- b) Estar todos os membros da unidade de convivencia empadroados no Concello do Pereiro de Aguiar como mínimo desde o 1 de xaneiro de 2020.
- c) Non superar os 8.500,00 € de renda per cápita anual (Computarase un membro máis no caso de presentar algún deles unha discapacidade igual ou superior ao 33%)
- d) Estar ao corrente no pagamento de todos os tributos e taxas municipais
- e) Non estar incurso nas prohibicións para obter a condición de beneficiario segundo o artigo 10 da Lei 9/2007, do 13 de xuño, de subvencións de Galicia.

Para os efectos destas bases considérase que forman a unidade de convivencia: os cónxuxes, parellas de feito, os fillos maiores e menores de idade, os ascendentes de cónxuxes e títores legais que conviven no mesmo domicilio, segundo o certificado de convivencia municipal.

Nos casos de separación ou divorcio considerarase ao pai ou á nai que teña a custodia dos menores por sentenza xudicial. No caso de custodia compartida considerarase a ambos os dous proxenitores.

A renda da unidade familiar será o resultado de sumar as rendas de cada un dos membros computables da familia que obteñan ingresos de calquera natureza, de conformidade coa normativa reguladora do Imposto sobre a renda das persoas físicas.

Cando se presentase declaración do Imposto sobre a renda das persoas físicas no exercicio fiscal 2019, sumaranse a base imponible xeral (recadro 435) e a base imponible de aforro

Concello do Pereiro de Aguiar

Plza. do Concello, 1, O Pereiro de Aguiar. 32710 (Ourense). Tfno. 988 259 385. Fax: 988 259395



Cod. Validación: C2KAFME4AWFY77VX44Y47QJ | Corrección: <https://concelloperreiro.sedelectronica.gal/>
Documento asinado electronicamente desde a plataforma xestiona esPublico | Páxina 2 a 12



CONCELLO O PEREIRO DE AGUIAR

(recadro 460); cando non se presentase, sumaranse os ingresos netos obtidos durante o exercicio 2019.

Artigo 5- Lugar, prazo e forma de presentación das solicitudes

O prazo de presentación finalizará o 13 de decembro de 2020.

As solicitudes deberán presentarse, debidamente cumprimentadas, no Rexistro Xeral do Concello do Pereiro de Aguiar, ou por calquera medio dos establecidos no artigo 16.4 da Lei 39/2015, do 1 de outubro, do procedemento administrativo común das administracións públicas.

Artigo 6 – Documentación

A documentación preceptiva é a seguinte:

- a) Anexo I de solicitude*
- b) Anexo II declaración responsable e autorización para obtención de datos*
- c) DNI/NIE/PASAPORTE (en vigor) de todos os membros da unidade de convivencia*
- d) Certificado do centro educativo no que estea/n matriculados/as*
- e) Fotocopia da declaración do IRPF do exercicio 2019, de cada un dos membros computables da unidade de convivencia. En caso de non estar obrigado a presentala, deberá achegar certificado negativo de Facenda, certificado de imputacións de renda e xustificantes dos ingresos obtidos no ano 2019 (certificado empresa, certificado do SEPE, xustificante de pensión.)*
- f) No caso de separación ou divorcio legal, copia da sentenza e do convenio regulador. En situacións de impago das achegas establecidas, copia da solicitude de execución de sentenza presentada ante o xulgado ou xustificante de inicio das actuacións.*
- g) Pódese presentar xa neste intre a documentación acreditativa da xustificación da subvención (factura orixinal) co fin de axilizar a tramitación do expediente.*

A convivencia da unidade familiar e o pagamento dos tributos e taxas municipais, comprobaranse internamente.

Artigo 7- Criterios e valoración e contía das axudas

Para a concesión das axudas convocadas destínase a cantidade de 10.000,00 euros, que se financiarán con cargo á aplicación orzamentaria 231.48005 consignada no Orzamento Municipal vixente do exercicio do 2020.

Este orzamento poderá ser obxecto de modificacións como consecuencia da asignación ou da redistribución de fondos para o financiamento do programa.

A contía das axudas será como máximo de 250 euros por unidade familiar.

Artigo 8- Tramitación e resolución das solicitudes

A) As solicitudes tramitaranse de conformidade coa Lei 9/2007, do 13 de xuño, de subvencións de Galicia, e a Lei 38/2003, do 17 de novembro, xeral de subvencións, de acordo coa súa disposición derradeira.

Concello do Pereiro de Aguiar

Plza. do Concello, 1, O Pereiro de Aguiar. 32710 (Ourense). Tfno. 988 259 385. Fax: 988 259395



Cod. Validación: C2KAFME4WFF77VX44Y47QJ1 | Corrección: <https://concelloperreiro.sedelectronica.gal/>
Documento asinado electronicamente desde a plataforma xestiona esPublico | Páxina 3 a 12



CONCELLO O PEREIRO DE AGUIAR

B) *Recibidas as solicitudes procederase ao seu estudo, tramitándose nos seguintes termos:*

- a) *No caso de que a documentación presentada estivese incompleta, ou cando o interesado se opuxese expresamente á consulta dos seus datos nas plataformas de intermediación de datos das administracións públicas, o Concello remitiralles mediante notificación un requirimento de emenda de deficiencias, concedendo un prazo de dez días hábiles para a presentación da documentación ou emenda de erros que proceda.*
- b) *No caso de que a documentación presentada estivese completa, a Alcaldía resolverá concedendo a subvención no caso de que cumpra os requisitos establecidos ou denegándoa en caso contrario.*

C) *Toda publicación a que fagan referencia estas bases, realizarase mediante publicación na localización web e Taboleiro de Edictos do Concello do Pereiro de Aguiar. A publicación substituirá a notificación persoal e terá os mesmos efectos, segundo o artigo 45 da Lei 39/2015, do 1 de outubro, do procedemento administrativo común das administracións públicas.*

A resolución provisional de axudas concedidas e denegadas publicarase no Taboleiro de Edictos do Concello, sito na Praza do Concello, e na páxina web do Concello (www.concelloperreiro.com), e concederase un prazo de 10 días para presentar alegacións.

Artigo 9- Xustificación e pagamento

O prazo de xustificación da axuda rematará nun prazo de tres meses contados dende o día seguinte ao da publicación no taboleiro de anuncios da Resolución de concesión.

Procederese ao pago da axuda unha vez que os beneficiarios xustifiquen debidamente o importe da subvención concedida mediante:

- *Factura, pagada, orixinal ou copia cotexada do gasto realizado.*
- *Declaración responsable de todas as axudas, solicitadas ou non, e concedidas ou non, para a mesma finalidade doutras administracións públicas ou privadas.*

Artigo 10.- Normativa supletoria

En todo o non disposto nestas bases seralle de aplicación á convocatoria e ás subvencións que se conceden ao seu abeiro, o disposto na Lei 38/2003 xeral de subvencións e a Lei 9/2007, de subvencións de Galicia, os seus regulamentos de desenvolvemento no que sexa de aplicación á administración local, así como a lexislación aplicable en materia de réxime xurídico das administracións públicas e do procedemento administrativo.

Artigo 11.- Réxime de protección dos datos achegados coa solicitude.

1.- O tratamento polo concello dos datos persoais achegados polos solicitantes fúndase no disposto nos apartados c) e e) do artigo 6 do Regulamento UE 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento dos datos persoais e á libre circulación destes datos, así como no artigo 6.2 da Lei orgánica 3/2018, do 5 de decembro, de protección dos datos de carácter





CONCELLO O PEREIRO DE AGUIAR

persoal, ao ser a achega dos datos e informacións esixida nas presentes bases necesaria para o cumprimento do disposto na lexislación xeral de subvencións, así como para a comprobación do cumprimento dos requisitos e valoración das solicitudes consonte ao indicado nas propias bases.

En consecuencia, a negativa a facilitar estes datos ao concello determinará a exclusión da persoa interesada do procedemento.

2.- En cumprimento do establecido no artigo 13 do Regulamento UE 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento dos datos persoais e á libre circulación destes datos, infórmase aos interesados do seguinte:

- a) A responsabilidade do tratamento dos datos é do Concello de Pereiro de Aguiar, cuxo representante legal é o seu alcalde, don Luis Menor Pérez, con domicilio para os efectos de notificacións na praza do Concello, n.º 1, 32710, O Pereiro de Aguiar (Ourense), teléfono de contacto 988259385 e correo electrónico: info@concellopereiro.com.
- b) O delegado de protección de datos é Servizos de Adaptación Continua en Protección de Datos RB, S.L. có que poderá contactar en concello.pereirodeaguiar@eidolocal.es.
- c) Os datos subministrados coa solicitude destínanse unicamente a garantir o cumprimento do establecido na lexislación xeral de subvencións, a comprobar que a persoa solicitante reúne os requisitos establecidos para poder ser beneficiaria.

En cumprimento do establecido nos artigos 20 da Lei 38/2003 xeral de subvencións e 8.1.c) da Lei 19/2013, do 9 de decembro, de transparencia e bo goberno, a información relativa ás subvencións concedidas será obxecto de publicación segundo se prevé na normativa de aplicación na Base de Datos Nacional de Subvencións e no portal de transparencia do Concello de Pereiro.

Non obstante o anterior, e de conformidade co establecido no artigo 20.8.b) da Lei xeral de subvencións, non serán obxecto de publicación os datos persoais dos beneficiarios, que unicamente se cederán a terceiros nos supostos previstos no apartado e) desta base, se é necesario para a satisfacción do interese lexítimo seguido polo responsable do tratamento ou polo terceiro ao que se comuniquen os datos, sempre que non prevaleza o dereito do interesado de acordo coa normativa de protección de datos.

A estes efectos, na publicación cada subvención concedida identificarase exclusivamente polo número de rexistro de entrada da solicitude correspondente. As publicacións referidas manteranse durante un prazo mínimo de catro anos dende a realización da publicación, podendo, a partir dese prazo, ser suprimida de xeito motivado a publicación de oficio polo concello ou ben a solicitude das persoas interesadas, dirixida ao responsable do tratamento.

- d) A base xurídica do tratamento dos datos achegados coa solicitude é a necesidade deses datos para o cumprimento das obrigas legais que impón a lexislación xeral de

Concello do Pereiro de Aguiar

Plza. do Concello, 1, O Pereiro de Aguiar. 32710 (Ourense). Tfno. 988 259 385. Fax: 988 259395





CONCELLO O PEREIRO DE AGUIAR

subvencións, en tanto que Administración pública concedente (artigo 6.1.c) do Regulamento UE 2016/679) e, no caso dos datos para acreditación do cumprimento dos requisitos específicos da convocatoria e valoración de solicitudes, a necesidade deses datos para dar satisfacción á finalidade de interese público perseguida coa presente convocatoria (artigo 6.1.e) do Regulamento UE 2016/679).

- e) *Os datos subministrados ao concello serán tratados polo persoal autorizado para a tramitación da solicitude, suxeitos a deber de reserva.*

Sen prexuízo do anterior, os datos subministrados polo solicitante poderán ser cedidos a terceiras persoas nos seguintes casos:

- a) *A membros da Corporación que o soliciten, aos xulgados e tribunais, para os efectos da resolución dos recursos xudiciais que poidan interpoñerse contra a decisión de adjudicación, así como ao Ministerio Fiscal, Valedor do Pobo, Defensor del Pueblo, Tribunal de Cuentas e Consello de Contas, na medida en que sexa necesario para o exercicio das funcións destas autoridades públicas.*
- b) *Ás persoas que o soliciten ao abeiro do disposto na Lei 19/2013, do 9 de decembro, de transparencia e bo goberno, previo expediente contradictorio con audiencia do/a interesado/a titular dos datos e nos termos previstos na dita lei.*
- f) *En ningún caso se transferirán os seus datos persoais a un terceiro país nin a unha organización internacional.*
- g) *Os datos subministrados conservaranse nos arquivos do concello de forma indefinida, para os únicos efectos da súa conservación conforme ao disposto na lexislación sobre arquivos do sector público e na lexislación sobre patrimonio documental cultural.*
- h) *As persoas interesadas poderán solicitar en todo momento da Alcaldía do concello o acceso aos seus datos, así como a súa rectificación, de ser o caso. Poderá solicitarse a limitación do tratamento dos ditos datos, referida á súa publicación, unha vez transcorrido o prazo de catro anos previsto nas presentes bases. Poderá formularse igualmente a oposición ao tratamento dos datos, motivada pola situación particular do interesado, nos termos previstos no artigo 21 do Regulamento UE 2016/679.*

Os dereitos sinalados neste apartado poderán exercerse mediante escrito dirixido á Alcaldía do concello. De conformidade co disposto no artigo 20.3 do Regulamento UE 2016/679, non será de aplicación o dereito á portabilidade dos datos subministrados ao concello neste procedemento.

- i) *En todo caso, as/os interesadas/os poderán formular as reclamacións que considere oportunas en relación co tratamento dos seus datos persoais ante a Axencia Española de Protección de Datos.*

Concello do Pereiro de Aguiar

Plza. do Concello, 1, O Pereiro de Aguiar. 32710 (Ourense). Tfno. 988 259 385. Fax: 988 259395





CONCELLO O PEREIRO DE AGUIAR

- j) *En ningún caso se procederá á adopción de decisións automatizadas nin á elaboración de perfís persoais cos datos subministrados, que non serán obxecto de tratamentos diferentes aos expresamente previstos nesta cláusula.*

O Pereiro de Aguiar, novembro de 2020.

O alcalde.

Luís Menor Pérez

ANEXO I

SOLICITUDE DE AXUDAS PARA A COMPRA DE EQUIPOS INFORMÁTICOS PARA OS CURSOS 2019/2020 OU 2020/2021

DATOS DO/A SOLICITANTE (Pai/nai/titor/a)	
Nome e apelidos	DNI
Domicilio	TELÉFONO/S

DATOS DO/A OUTRO/A PROXENITOR/A	
Nome e apelidos	DNI

DATOS DO/A FILLO/A PARA QUEN SOLICITA A AXUDA		
Nome e apelidos	Curso	Centro escolar

OUTROS MEMBROS DA UNIDADE FAMILIAR		
Nome e apelidos	DNI	Parentesco

SOLICITA:

Axuda para a compra de equipos informáticos.

O Pereiro de Aguiar, a _____ de _____ de 20__.

Concello do Pereiro de Aguiar

Plza. do Concello, 1, O Pereiro de Aguiar. 32710 (Ourense). Tfno. 988 259 385. Fax: 988 259395





CONCELLO O PEREIRO DE AGUIAR

SINATURA DO/A SOLICITANTE

Sr. ALCALDE DO CONCELLO DO PEREIRO DE AGUIAR

Información sobre protección de datos

De acordo co establecido pola normativa vixente en materia de protección de datos, informámoslle de que o responsable de tratamento dos seus datos persoais é o Concello do Pereiro de Aguiar, con dirección en Praza do Concello, 1, 32710 O Pereiro de Aguiar (Ourense), concello.pereirodeaguiar@eidolocal.es.

1.- Dpo: O delegado de Protección de datos do Concello do Pereiro de Aguiar é Servicios de Adaptación Continua en Protección de Datos RB, S.L., co que poderá contactar en concello.pereirodeaguiar@eidolocal.es.

2.- Finalidade do tratamento: Os datos serán utilizados para prestarlle o servizo solicitado na presente instancia.

O feito de que non nos facilite parte da información solicitada poderá supoñer a imposibilidade de prestarlle o servizo solicitado.

Prazo de conservación: os datos facilitados conservaranse durante o tempo necesario para poder atender a súa solicitude, así como para dar cumprimento legal ás xestións administrativas derivadas da prestación do servizo.

3.- Lexitimación: Este tratamento de datos persoais está lexitimado polo consentimento que nos outorga ao realizar a solicitude de prestación do servizo.

4.- Destinatarios de cesións: O Concello do Pereiro de Aguiar non cederá os seus datos de carácter persoal.

5.- Dereitos: Ten dereito a acceder, rectificar ou suprimir os datos erróneos, solicitar a limitación do tratamento dos seus datos, así como opoñerse ou retirar o consentimento en calquera momento e solicitar a portabilidade dos mesmos.

O Concello do Pereiro de Aguiar dispón de formularios específicos para facilitarlle o exercicio dos seus dereitos. Pode presentar a súa propia solicitude ou solicitar os nosos formularios nas nosas instalacións ou por correo electrónico en concello.pereirodeaguiar@eidolocal.es, sempre acompañados dunha copia do seu DNI para acreditar a súa identidade.

A presente comunicación correctamente formalizada producirá efectos desde a data da súa presentación no Rexistro ou calquera medio válido, segundo o artigo 16 da Lei 39/2015, do 1 de outubro, de procedemento administrativo común das administracións públicas.

No Pereiro de Aguiar, a ____ de _____ de 20 ____.

Concello do Pereiro de Aguiar

Plza. do Concello, 1, O Pereiro de Aguiar. 32710 (Ourense). Tfno. 988 259 385. Fax: 988 259395



Cod. Validación: C2KAFME4WFF77VX44Y7QJT | Corrección: https://concelloperreiro.sedelectronica.gal/
Documento asinado electronicamente desde a plataforma xestiona esPublico | Páxina 8 a 12



CONCELLO O PEREIRO DE AGUIAR

Sinatura do/a solicitante

ANEXO II

DECLARACIÓN RESPONSABLE DO/A SOLICITANTE

D./D^a. _____

____, co DNI _____,

en calidade de pai/nai, titor/a do/a

- _____
- _____
- _____
- _____

DECLARO BAIXO A MIÑA RESPONSABILIDADE:

- Que coñezo e acepto as bases para o outorgamento de axudas para a compra de equipos informáticos para os cursos 2019-2020 ou 2020-2021
- Que son certos cantos datos figuran na solicitude de axudas para a compra de equipos informáticos para os cursos 2019-2020 ou 2020-2021
- Que _____ (si/non) lle foi concedida nin solicitou ningunha outra axuda para a mesma finalidade.
- Que non concorre en ningunha circunstancia que supoña a prohibición de percepción de subvención ou axuda pública (art. 10.1 e 2 da Lei 9/2007, do 13 de xuño, de subvencións de Galicia)
- Que se compromete a achegar cantos datos e documentos sexan precisos, no caso de resultar beneficiario/a, no prazo que se indique polo órgano competente do Concello do Pereiro de Aguiar, para os efectos do cumprimento e xustificación das presentes axudas.

O Pereiro de Aguiar, _____ de _____ de 20____.

Concello do Pereiro de Aguiar

Plza. do Concello, 1, O Pereiro de Aguiar. 32710 (Ourense). Tfno. 988 259 385. Fax: 988 259395





**CONCELLO
O PEREIRO DE AGUIAR**

Sinatura do/a solicitante



Cod. Validación: C2KAFME4WFF7TWX44Y47QJT | Corrección: <https://concelloperreiro.sedelectronica.gal/>
Documento asinado electronicamente desde a plataforma xestiona esPublico | Páxina 10 a 12

Concello do Pereiro de Aguiar

Plza. do Concello, 1, O Pereiro de Aguiar. 32710 (Ourense). Tfno. 988 259 385. Fax: 988 259395



ANEXO III

AUTORIZACIÓN

A cubrir pola persoa solicitante, así como os membros da unidade familiar maiores de 18 anos da solicitude de axudas para a compra de equipos informáticos para os cursos 2019-2020 ou 2020-2021.

A.- Datos dos/as proxenitores/as

A/s persoa/s que asinan a continuación autorizan expresamente ao Concello do Pereiro de Aguiar a:

- Que se solicite de oficio datos de non ter débedas coa Facenda deste concello do/a solicitante e do/a outro/a proxenitor/a (no caso de separación ou divorcio só será do/a que teña a custodia)
- Que os seus datos queden arquivados para o dito procedemento.

	Nome e apelidos	DNI	Sinatura
SOLICITANTE			
OUTRO/A PROXENITOR/ A			

B.- Datos das persoas que conviven co/a solicitante

As persoas que asinan a continuación autorizan expresamente que os seus datos queden arquivados co fin de xustificar os requisitos do dito procedemento.

Relación co solicitante	Nome e apelidos	DNI	Sinatura

O Pereiro de Aguiar, ____ de _____ de 20__."

Concello do Pereiro de Aguiar

Plza. do Concello, 1, O Pereiro de Aguiar. 32710 (Ourense). Tfno. 988 259 385. Fax: 988 259395





CONCELLO O PEREIRO DE AGUIAR

Dando cumprimento ao referido acordo, procédese á publicación íntegra das mesmas para xeral coñecemento mediante anuncios na sede electrónica do Concello de Pereiro de Aguiar e, a través da Base de Datos Nacional de Subvencións, no Boletín Oficial da Provincia de Ourense.

Advírtese que contra este acordo pódense interpoñer os seguintes recursos:

En caso de particulares, pódese interpoñer, potestativamente, un recurso de reposición ante o alcalde deste concello, no prazo dun mes, como trámite previo ao contencioso-administrativo, ou ben directamente un recurso contencioso-administrativo, ante o Xulgado Provincial do Contencioso-Administrativo, no prazo de dous meses, sen que se poidan compaxinar ambos os dous recursos. Os prazos indicados computaranse a partir do día seguinte ao da publicación deste anuncio no BOP no caso de administracións públicas, pódese interpoñer un recurso contencioso-administrativo no prazo de dous meses ante o Xulgado do Contencioso-Administrativo de Ourense. Ademais, ao abeiro do disposto no artigo 44 da Lei reguladora da xurisdición contencioso-administrativa, poderá formularse requirimento de anulación ou revogación do acto, no prazo de dous meses e con carácter previo ao exercicio de accións en vía contenciosa. Os prazos indicados computaranse a partir do día seguinte ao da publicación deste anuncio, tendo en conta que o prazo para a interposición do recurso contencioso-administrativo, no caso de que se formule o requirimento previo, contará desde o día seguinte a aquel no que se reciba a comunicación do acordo expreso sobre o dito requirimento ou se entenda presuntamente rexeitado. Non obstante o anterior, poderá interpoñerse calquera outro recurso que se estime pertinente.

O alcalde

ESTE DOCUMENTO ESTÁ ASINADO ELECTRONICAMENTE



Cod. Validación: C2KAFME4WFF7TWX44Y47QJT | Corrección: <https://concellopereiro.sedelectronica.gal/>
Documento asinado electronicamente desde a plataforma xestiona esPublico | Páxina 12 a 12

Concello do Pereiro de Aguiar

Plza. do Concello, 1, O Pereiro de Aguiar. 32710 (Ourense). Tfno. 988 259 385. Fax: 988 259395